



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 – prečišćeni tekst, 17/20 i 24/20), razmatrajući Nacrt zakona o pravima pripadnika nacionalnih manjina u Brčko distriktu Bosne i Hercegovine, Skupština Brčko distrikta BiH, na 66. redovnoj sjednici, održanoj 29. jula 2020. godine, donosi

O D L U K U
O ODRŽAVANJU JAVNE RASPRAVE O NACRTU
ZAKONA O PRAVIMA PRIPADNIKA NACIONALNIH MANJINA U BRČKO
DISTRIKTU BOSNE I HERCEGOVINE

Član 1

Ovom odlukom uređuje se način održavanja javne rasprave o Nacrtu zakona o pravima pripadnika nacionalnih manjina u Brčko distriktu Bosne i Hercegovine.

Član 2

Nosioci aktivnosti provođenja javne rasprave su Komisija za ljudska prava Skupštine Brčko distrikta BiH i Kabinet gradonačelnika Brčko distrikta BiH.

Član 3

Zadužuju se Stručna služba Skupštine Brčko distrikta BiH i Vlada Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učine dostupnim na web-stranici Skupštine Brčko distrikta BiH www.skupstinabd.ba i web-stranici Vlade Brčko distrikta BiH www.bdcentral.net.

Član 4

Javna rasprava održat će se 8. septembra 2020. godine u 12 sati u velikoj sali Skupštine Brčko distrikta BiH.

Član 5

Finansijska sredstva za organizovanje i provođenje javne rasprave obezbijedit će Vlada Brčko distrikta BiH.

Član 6

Nakon sprovedene javne rasprave Komisija za ljudska prava Skupštine Brčko distrikta BiH sumirat će rezultate kompletne rasprave i podnijeti Skupštini izvještaj s prijedlozima i mišljenjima s javne rasprave.

Član 7

Zapisnici s javne rasprave dostavit će se zastupnicima Skupštine Brčko distrikta BiH, Zakonodavnoj komisiji Skupštine Brčko distrikta BiH, Komisiji za ljudska prava Skupštine Brčko distrikta BiH, Kabinetu gradonačelnika Brčko distrikta BiH, prije nego što se Nacrt zakona uputi u proceduru drugog čitanja.

Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-963/20
Brčko, 29. 7. 2020. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Zakonodavnoj komisiji Skupštine
- 5) Komisiji za ljudska prava
- 6) Sektoru za opšte poslove i strateško planiranje
- 7) Arhivi